

中國地方志集成



雲南府縣志輯 ④④

民國
廣南縣志

鳳凰出版社 ● 上海書店 ● 巴蜀書社

民國廣南縣志

佚名纂



另

同

四）稿本，現據鈔本影印。

（一九三

纂

廣南縣志卷一

大事記

地方志史之一也一國有史一邑有志治亂之機進化之迹胥於是求之
廣南地處邊徼去中州萬里三代之時列於要荒漢唐雖入版圖榛狉之
風未泯有宋之時儂氏據之以抗中原擾攘數年動天下之兵而後定元
置路明設府清因之數百年間涵濡聖化人文蔚起乾嘉之後代有文人
易難結而衣冠化鑿齒而禮樂雖無後絕之學埒於他邦而今昔勢殊文
野迴異遐陬僻壤顧可忽乎誌大事

上編

戰國時楚威王使將軍莊蹻將兵循江上畧巴蜀黔中以西至滇池方三
百里旁平地肥饒數千里以兵威定屬楚會秦擊奪楚巴黔中郡道塞不
通因還以其衆王滇變服從其俗以長之

按廣南距滇地千里許師範滇繫云由府至省八百五十里府志云由府至省一千五十里莊蹻所威屬之地廣袤數千里則廣南屬蹻可知
又按府志云唐虞為徼外荒服地近人某據尚書命羲叔則南交以南交即交趾交趾在廣南外羲叔宅之蓋踰廣南而南遂謂廣南唐堯時已入內地又駁府志云古之侯甸要荒由近而遠謂之荒服並非化外又謂虞夏商周雲南本為內地禹之梁州黑水為界汲冢周書云湯時西南產里百濮以象齒矩狗為獻周本紀成王時越裳重釋獻雉產里即今車里越裳即今老撾皆在廣南外據此以廣南自古為中國內地之確証此說謂唐虞三代時雲南與中原交通則可謂屬於中原則不可南交是否交趾姑置不論即使南交為交趾亦不能據以為屬於中原之理由今之中國人遠至歐美國人所至之地是否盡為本國屬地羲叔之宅南交亦猶國人之至歐美耳產里越裳雖遠在雲南外不過交通畧具途徑非中國內

地也故其說不足取不如莊蹻事之較為有據

秦使常頡畧通五尺道頗置吏

按秦之疆域并吞六國而後楚地入秦秦又開道置吏以地望準之
廣南距楚地不遠在當時或已置吏未可知也

漢武帝建元六年大行王恢使番陽令唐蒙風指曉南越南越食蒙蜀枸
醬蒙問所從來曰道西北牂牁蒙歸至長安問蜀賈人賈人曰獨蜀出枸
醬多持竊出市夜郎夜郎者臨牂牁江江足以行船南越以財物役屬夜
郎西至同師然亦不能臣使也蒙乃上書說上曰南越王黃屋左纛地東
西萬餘里名為外臣實一州主也今以長沙豫章往水道多絕難行竊聞
夜郎所有精兵可得十餘萬浮船牂牁江出其不意此制越一奇也上許
之乃拜蒙為郎中將將千人食重萬餘人從巴蜀笮關入邈見夜郎侯多
同蒙厚賜喻以威德約為置吏使其子為令夜郎傍小邑皆貪漢繒帛以

為漢道險終不能有也。迺取聽蒙約，按夜郎牂牁本相連地，牂牁江出番禺城下，即今之盤江。蜀之枸醬出市，夜郎、夜郎轉市番禺，其途徑即由今之四川、貴州、泅盤江，以至廣州。夜郎臨牂牁江，其傍小邑皆貪漢繒帛，聽約東廣南為牂牁郡，地距牂牁江甚近，當時必為聽約束小邑之一也。

元鼎五年，秋，衛尉路博德為伏波將軍，出桂陽，下匯水，主爵主尉楊僕為樓將軍，出豫章，下橫浦，故歸義侯越侯二人為戈船，下厲將軍，出零陵，或下漓水，或抵蒼梧，使馳義侯。因巴蜀罪人發夜郎兵，下牂牁江，咸會番禺。

按武帝伐南越數道並進，馳義侯發夜郎兵，下牂牁江，夜郎距廣南不遠，所發之兵或有廣南人在內也。

元鼎六年，開牂牁郡，置鐔封縣，西隨縣。

按廣南地之置縣，確自此始。通志稿云：廣南府東北境當屬漢鐔封縣，地其南陬當為都夢縣境，又南入交趾，為西隨縣，並隸牂牁郡。晉

都夢為都詹並屬興古郡宋志鐔封屬梁水郡都夢無
又按漢書地理志鐔封注溫水東至廣鬱入鬱過郡二行五百六十
里今廣南云水東入鬱江即珠江上流通志稿以廣南為漢鐔封地
可無疑矣又謂兼西隨縣地考地理志西隨注麋水西受徼外東至
麋泠入尚龍谿過郡二行千一百六里似與廣南無涉但阮文達之
精於考據或有所據今仍之

蜀漢後主建興三年分牂牁郡為興古郡

按武侯置興古郡時鐔封或已屬興古不屬牂牁
晉成帝分興古郡置梁水郡

按宋書州郡志鐔封漢舊縣屬牂牁晉太康地志屬興古又云西隨
漢屬牂牁晉太康地志屬興古據此廣南在西晉猶屬興古東晉又
改屬梁水

卷一

宋齊梁陳時爨置維摩部

按滇中爨氏自爨習顯於蜀蜀志李恢傳爨肅顯於魏大爨碑兩晉

而後幾於世襲宋元嘉十八年爨松子友宋書文帝紀梁南寧刺史

徐文盛被湘東王徵赴荊州爨翫遂竊據一方隨書梁肅傳常是時

爨據有滇境且跨有黔交邊地太平寰宇記云爨據地二千里太勢

則分為二境大爨碑云東西二境即唐書以後之東爨西爨也隋書

而小部則為三十七部三十七部中之有維摩其地在今廣南境內

據此自宋齊以迄隋唐廣南之半當屬於爨

唐置歸化州

按唐地理志歸化州領縣四歸朝落都落回落魏隸安南都護府通

志稿以歸化州為廣南南境北境州縣不可考

又按蒙詔自唐初始盛開元天寶間唐且屢敗何有於爨德化碑載

饗為內境懷德歸仁知饗氏漸滅於此詳見滇繹而年月則以唐書南詔傳代宗廣德初鳳伽異築拓東城為饗亡之確期德化碑云閣羅鳳之十四年由此推之廣南在中唐以後半屬於南詔矣

玄宗天寶時儂氏據地西原

按新唐書西原蠻居廣容之南邕桂之西有寧氏者相承為豪又有黃氏居黃橙洞其隸也其地西接南詔天寶初黃氏強與常氏周氏儂氏相唇齒為寇害據十餘州

又按今之廣南二字即本廣容之南四字而簡言之黃甯常周儂五氏皆西原蠻諸氏共據十餘州疆土甚廣殆侵入滇邊境觀儂氏今尚為廣南土司可以想見而唐書列西原於南蠻中在饗西洱河蠻姚三濮後亦可知其地理也

德宗貞元十年五月欽州蠻酋黃少卿反圍州城

原註少卿者西原黃洞蠻酋也

邕管經略使孫公器奏請發兵救之原註上元後置邕管經略使領

七月黃少卿陷欽橫潯貴等州攻孫公器於邕州

按唐之中葉滇為南詔所據南詔與中國交通取道於蜀詳見新舊

唐書自元和大中之後蜀防南詔嚴南詔始南通邕州史載大中十

二年安南都護李詠為政貪暴強市蠻中馬牛一頭止與鹽一斗又

殺蠻酋杜存誠羣蠻怨怒導南詔侵盜邊境峯州有林西原舊有防

冬兵六千其傍七綰洞蠻其酋長曰李由獨常助中國戍守輸租賦

知峯州者言於詠請罷戍兵專委由獨防遏於是由獨勢孤不能自

立南詔拓東節度使以書誘之以甥妻其子捕拓東押牙由獨遂率

其眾歸於南詔自是安南始有蠻患是月蠻寇安南咸通元年十二

月戊申南土蠻引南詔兵合三萬餘人乘虛攻交趾陷之都護李鄴

與監軍奔武州二年春正月詔發邕管及鄰道兵救安南擊南蠻秋

七月南詔攻邕州陷之三年二月南詔復率羣蠻五萬寇安南四年
春正月庚午南詔陷交趾南詔兩陷交趾所殺虜且十五萬人留兵
二萬使楊思縉據交城谿洞夷獠無遠近皆降之詔諸道兵赴安南
者悉詔還分保嶺南西道三月南詔寇左右江侵逼邕州鄭愚懼自
言儒臣無將畧請任武臣朝廷召義武節度使康承訓詣闕欲使之
代愚仍詔選軍校數人士卒數百人自隨八月嶺南東道節度韋宙
奏蠻必伺邕州請分兵屯容藤州以備之夫南詔兵之入邕必取道
於廣南史載南詔與交趾攻守之徑雖未詳今地何處然必有關於
廣南者府志錄

僖宗乾符六年招蠻之事而在先之西原蠻事反置之殆疎畧之故也今
據補

僖宗乾符六年正月邕管節度使辛謹遣攝巡官徐雲虔招懷蠻西原蠻

居廣容之南邕桂之西有寧氏者相承為豪又有黃氏居黃橙洞其
隸也其地西接南詔後黃氏強儂氏與之唇齒為害太和中經畧使
董昌齡討平洞穴夷其種類諸蠻畏服後儂洞復強結南詔為助懿
宗與南詔約和二洞構敗之邕管節度使辛諲以從事徐雲虔使南
詔結合齎美貨啖二洞首領太州刺史黃伯龜屯洞首領儂金意員
州首領儂金勒與之通驩員州又有首領儂金澄儂仲武與金勒襲
黃洞首領黃伯善伯善伏兵滾水難鳴候其半濟擊殺金澄仲武惟
金勒遁免後欲與兵報仇辛諲遣人持牛酒音樂解和並遺其母衣
服母賢者也讓其子曰節度使持物與獠毋非結好也以汝為吾子
前日兵敗滾水士卒略盡不自悔復欲動衆兵忿者必敗吾將因為
官老婢矣金勒感悟為罷兵

按唐地理志員州隸邕州都督府西原州隸安南都護府皆廣南州

入中國版圖

又按天寶時西源蠻著者五氏據十餘州太和時僅黃氏儂氏據十八州諸氏已併為二侵入滇境儂洞結南詔為助南詔遂入邕入交其強愈甚金勒金意等皆一時人傑不必為廣南人亦未必非廣南人

後晉高祖天福元年南詔段思平滅楊干貞而有雲南建國大理設三十
七部內一部曰維摩

按楊慎滇載記云思平借兵東方黑蠻松蠻三十七部皆助之南詔
野史云

晉天福二年思平即位赦三十七部差役馮甦滇考云思平加恩三十七
部蓋三十七部實在思平起兵之先府志以思平建國設三十七部

內一部曰維摩恐誤

卷一

六

仁宗皇祐元年九月乙巳廣源州蠻儂智高反寇邕州詔江南福建等路發兵備之

廣源州在邕州之西鬱江之源也峭絕深阻產黃金丹沙頗有邑居聚落俗推髻左衽善戰鬪輕死好亂其先韋氏黃氏周氏儂氏為酋互相剽掠唐邕管經略使徐申厚撫之黃氏納職貢而十三部二十九州之蠻皆定自交趾蠻據有安南而廣源雖號邕管為羈縻州其實服役於交趾初有儂全福者知儂猶州其弟有祿知萬涯州全福妻弟儂當道知武勒州一日全福殺有祿當道并有其地交趾怒舉兵擄全福及其子知聰以歸其妻阿儂本左江武勒族也轉至儂猶州全福納之全福見擄阿儂遂嫁商人生子名智高年十三殺其父商人曰天下豈有二父耶因冒姓儂與其母奔雷火洞其母又嫁持磨道儂夏卿久之智高復與其母出據儂猶州建國大曰歷交趾復

援儻猶州執智高釋其罪使知廣源州又以雷火頻婆四洞及思浪
州附益之然內怨交趾居四年遂襲據安德州僭稱南天國改元景
瑞於是始入寇廣西轉運使蕭固遣邕州指揮使兀贊往刺侯而贊
擅發攻智高為智高所獲問中國虛實贊為陳大畧說智高內屬乃
遣贊還

按廣源州本邕州羈縻州後以源廣為領州

府志引沈括夢溪筆談云廣源州者本邕州羈縻

天聖七年首領儂存福即儂全福歸附補存福邕州衛職轉運使章

頻罷遣之不受其地存福乃與其子智高東掠龍州有之又源存福

因其亂殺其兄率土人劉七以七源州歸存福慶曆八年智高自領

廣源州漸吞滅右江田江一路壘洞

皇祐元年邕州人殿中丞昌協奏祈招收智高不報廣源州孤立無

卷一

×